

Zeitschrift:	Schweizerische Chorzeitung = Revue suisse des chorales = Rivista svizzera delle corali = Revista dals chorus svizzers
Herausgeber:	Schweizerische Chorvereinigung
Band:	- (1993)
Heft:	5
 Artikel:	Aunc in meins
Autor:	Decurtins, Giusep G.
DOI:	https://doi.org/10.5169/seals-1044084

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 20.08.2025

ETH-Bibliothek Zürich, E-Periodica, <https://www.e-periodica.ch>



Aunc in meins

1986 a Scuol; 1993 a Flem: la fiesta cantunala da cant s'avonza! Per la 22avla gada sescuntran cantaduras e cantadurs dil Grischun ed in bien tozzel d'autrô ils 12 e 13 da zercladur a Flem. En quei medem rom ha era liug quellagada ina vera fiesta cantunala per chors da scolars e da giuventetgna. Quell'emprema fiesta da quei gener sespleiga sonda, ils 5 da zercladur. Treis dis ei Flem il Mekka dil cant da chors da nies cantun.

La Revista dals chors svizzers (RCS) ha tschentau diesch damondas al president dil comité d'organisaziun, Hanspeter Meiler (HPN).

(RCS) Hanspeter Meiler, igl ei buca l'emprema gada che Flem organisescha ina fiesta cantunala, ils 83 ha giu liug cheu la fiesta da musica. Igl ei denton l'emprema gada che Flem surpren ina fiesta cantunala da cant. Ha il success dils 83 dau il stausch leutier?

(HPN) L'idea da surprender ina fiesta cantunala da cant ei naschida ils 1986 a Scuol zazu duront la davosa fiesta. Po esser ch'il success dils 83 lezza fiesta da musica havein nus dumignau bein ed endretg – po esser che quei success ha dau il stausch. Era sch'ina vischerna sco Flem che posseda l'infrastructure necessaria per talas occasiuns, sa da principi dar damogn a talas occurrentzas, curascha drova ei tuttina, curascha e sche pusseivel experientscha. Il Chor viril da Flem che segna sco organisatur ha viss se capescha mai e pli mai saviu surprender l'honor e la lavur senza la granzia che tuttas uniuns dil vitg e la vischerna politica tonschien maun. Il vitg da Flem ha ca. 38 societads ni uniuns d'ina specia ni l'autra e la gronda part da quellas ein involvadas ella organisaziun (la musica, ils divers chors, ils tiradurs, l'unio maritana, las differentas gruppas da gimnastica, il club da hockey, da curling, e.a.). Da quei da 300 personas segidan e vegnan a far tut il pusseivel che quella 22avla Fiasta da cant gartegi! Gia ils 83 havein nus luvrau da cumionza e silsuenter se capescha partgiu il gudogn. Il medem muster vala era quella gada.

Il program da fiesta ei en stampa. Il plan tgi conta nua e cu ei fatgs. Ils hospes envidai. Ei Flem semtgau!

Sch'jeu mirel ils termins nudai el carnet da duers daus a nus dall'Unio cantunala, sche astgel jeu dir che nus essan pli che bein lundervi. Il da gries



ei fatgs e tenor mia opiniun ei la fiesta segirada. Secapescha ch'ei dat auch enqual nunenconuschenta; l'aura per exemplu, mo leu havein nus negin, influenza e lu detagls ch'ins sa sligiar per ils dis da fiesta. Jeu sundel denton perschadius che mintgina e mintgin ch'ei involvaus en quella organisaziun fa tut il pusseivel per cuntendar cantadura e cantadur duront ils dis da fiesta.

Tavau 74, Muster 80, Scuol 86 ed ussa Flem: Buccas nauschas pretendan ch'ils logs da cura e traffic el Grischun surprenden talas fiastas inagada per emplenir la ruosna denter las stagiuns e lu era per lur effect da reclama.

Da quei meini sundel jeu buca! Che plumeins mo logs da cura san auch surprender talas fiastas da mamut ha en emprema lingia da far cun l'infrastructure e surtut era cun las pernottaziuns. Ei drova plirs locals da concert per las canzuns da pag, locals che tschaffan pliras tschien personas e lu ston ins saver metter a letg plirs mellis cantadurs e cantaduras. Quei

drova surtut hotels e hotels ein els logs da cura e traffic. Gl'effect da reclama d'ina tala occurrenza porta buca las massas. Quei publicum ch'ei cheu quels dis ni che s'interessescha pil cant da chors tier nus, quei ei buca il turist che fa vacanzas a Flem. Nus havein duas fetg bunas stagiuns, quella d'unviern cun nos runals etc. e quella dalla stad cun il lag la Cauma. E tuttina, la preschientscha dils mieds da massa quels dis ei da beneventar. Era il cant da chors, il cant insumma sa duvar empau publicitat!

Tier las davosas fiastas han ils giuvenils mintgamai concertau la sera dalla vigelgia. Vus deis ad els in plaz special, in entir di, in'entra fiasta.

Nus essan loschs d'astgar organizar l'emprema fiesta cantunala da chors d'affons e da giuventetgna. Il resun sin quell'idea che vegn atgnamein dalla Unio cantunala, quei resun ei staus enorms: 38 chors cun da quei da 1900 giuvenils vegnan la sonda dils 5 da zercladur a Flem. Quei di duei esser il di dil cant! Buca puncts e rangs ein cheu d'imporzonza; na, cun quella fiestalein nus documentar che cantar en in chor ei bia dapli che mo cantar, che cantar unescha e dat forza e che cantar ei buca caussa dils madirs e vegls, mobein era da nos giuvens e juniors. Cunquei che nus havein 38 chors quei di -il pli pign el diember dumbra 12, il grond 280- e cunquei che mintga chor astga cantar 1-3 canzuns, pia tochen 12 minutus, vegnan quellas producziuns dadas en 3 locals da silenzi: ella baselgia reformada, en halla da gimnastica a Flem-vitg ed el center «Prau la Selva». Quei che legra nus gia oz ei che plirs chors vegnan era a cantar spontanamein ellas strenglias e sin las plazzas da Flem, quei sche l'aura lubescha. Igl act final cun



Cantun rumantsch

la cantada ha liug il suentermiezdi el «Prau la Selva».

In niev record datti tier las annunzias per la fiasta per propi. 93 chors vegnan a Flem, 86 dil Grischun-triling e 7 hospitonts. Otg chors dapli ch' ils 86 a Scuol!

Niev record e quei fa plascher! Nossa finamira era da haver 100 chors quels dis cheu a Flem, 93 ei denton ina biala cefra. Sur 4200 cantaduras e cantadurs sescuntran quels dis cheu tier nus e sche l'aura honorescha quei, lu dat quei ina biala ed impressiunonta fiasta. 93 chors ein a miu manegiar il cunfin il pli sisum, sch'ins vul ni sto far quella fiasta en mo dus dis. Cantaduras e cantadurs ein buca utschals dalla damaun baul, negin conta bugen la damaun aschia ch'il temps per las canzuns da pag ei detg strengs-limitaus. La dumengia da miezdi entscheivan gie las tractandas statutaricas cun ils cant generals e las honorificaziuns.

Ina pusseivladad fuss d'entscheiver cun las canzuns da pag gia il venderdis-sera. Tochen oz ei quei denton aunc mai vegniu fatg. L'autra fuss da cantar en treis locals las canzuns da pag. Quei basignass treis experts dapli e surtut – e quei vegn ad esser il problem – in local dapli, ina localitat ella grondezia da tschellas duas cun las medemas cundiziuns. Il plan tgi conta nua e cu fa la cumissiun da musica dall'Uniun cantunala.

Las canzuns da pag vegnan dadas en dus locals zun differents: ella sala «Jugendstil» el Hotel dil Parc ed ella halla da tennis gest dasperas. Caracter, acustica e l'atmosfera da quellas duas localitads ein buca da dumignar sin in numnader. La sala «Jugendstil» in local excellent, buca mo acusticamein, era pigl egl enzatgei etraordinari – in liug che sa mo enrihir il cant. La halla da tennis ei en emprema lingia ina halla da tennis. Dumignar neu leu in tun da chor homogen-cauld-arrundai ei bein pli grev. A miu manegiar vegn il tun ad esser leu pli transparents e rumpeivels quei che promova tiels cantadurs in cantar tementaus-defensivos. El ed ella sesentan leu isolai amiez il chor. Duas salas differentas! Co empruveis vus dad ulivar quella «malgestad»?

Jeu creiel buca che quei seigi in problem aschi grond e grev. Ils 83 han las musicas sunau en quellas duas localitads lur tocs da pag e da pensum

ed ein stadas cumentas. A posta per quella fiasta ha il Chor viril da Flem fatg in test acoustic ella halla da tennis ed ils controlladers, la cumissiun da musica dall'Uniun cantunala, han acceptau quei local. Secapescha che nus fagein entginas correcturas aschia ch'il sentiment dil cantadur sin tribuna vegn rinforzaus. Inagada plazzein nus la tribuna aschia ch'ella po purtar il meglier il tun. Lu vegn ella formada en fuorma da culem, treis preits da resonanza gidan a formar il tun dil chor e dattan sustegn als cantadurs. Jeu sundel perschuadius ch' ins sa cantar bein en omisduas salas.

E tuttina les'jeu aunc furar cheu in stel. Schetg vegn ei ad esser en quella halla da tennis. Tgei capeta cun il plantschiu da tennis, in maglia-tun par excellence? E sch'jeu patratgel che da quei da 500-600 persunas sesan leu secapescha vestgidas – era quei in maglia-tun – lu sa quei tun dil chor buca sesviluppar e semischedar en moda ideala.

Era vid quei havein nus patertgau. Il plantschiu vegn cuvretgs, inagada perquei ch'el ei gest novs e lu secapescha era per impedir ch'el lagutti memia zun il tun. Sco detg: il test che nus havein fatg lai supponer ch'ins sappi cantar e tedlar enuorden en quella halla da tennis.

La fiasta sezza ha liug el center sportiv «Prau la Selva» 15-20 minutias a pei naiven dallas duas zonas da silenzi.

Nus essan leds che la vischuna da Flem ha mess a disposiziun il «Prau la Selva». Leu havein nus propri quei che nus duvrein: ina halluna, in'infrastructura optimala, plaz detgavunda e surtut nies ruaus, ruaus da far fiasta. Il sulet che nus «baghegein» ei ina tendetta che survescha sco bar e local da notg. Ins sa gie che cantaduras e cantadurs contan pli bugen la notg ch'ira a letg.

La dumengia ei il di ufficial. Il suentermiezdi han las tractandas statutaricas liug leu el «Prau la Selva»: plaids, honorificaziuns, ils cants generals dividi en 5 gruppas e la rangaziun. Datti era la cantada obligata?

Secapescha, quei s'auda! Las unius da Flem: la musica, il chor viril, ils affons e las dunnas dil chor da baselia dattan ina cantada scetta a posta per quella fiasta d'Alvin Muoth tenor plaids da ser Flurin Darms. Premau-



Hanspeter Meiler *1946

*maridaus e bab da 4 affons um da fatschenta, possessur dalla conditoria Crest Flem/Glion
40 emploiai.*

passattemps: cantar e sunar, cartscha, sittar pistola, cassier dalla Renania.

19 onns cantadur incarnau dalla Ligia Grischa. „Cantar cun quei chor il „Pur suveran“ fa schon batter il cor pli fetg“. Biars onns musicat (cornet) dalla musica da Flem, plirs onns vice-dirigent.

Gia organisau pliras fiastas pli grondas a Flem. President dil comite d'organisaziun dalla 22avla Fiasta da cant.

dizun ha quell'ovra denton gia in'jamna avon a caschun dalla fiasta da giuentetgna.

Organisar ina tala fiasta da mamut vul dir vus! Co ei il sustegn dalla Uniun cantunala staus? Tgei finamira haveis vus, Hanspeter Meiler ed ils vos cun quella fiasta?

Pil pli ei la collaboraziun cun la suprastanza cantunala e ses organs stada buna. Zazu ha ei dau certi rizrazz denter nus ed il president cantunala, ei mava per cumpetenzas e la fidonza che nus da Flem fetgien tut el bien senn dalla caussa. Quels rizrazz havein nus saviu ulivar ed ussa ei la relaziun puspei buna-constructiva.

Nus da Flem lein nuot auter ch'organisar ina fiasta nua ch'il cantadur e la cantadura stattan el center, els cun lur cant. Nossa finamira ei che mintgina e mintgin che vegn a Flem sesenti bein cheu tier nus e ch'el ed ella bandunien nus la dumengia cun in sentiment da cumentantscha e che tutt serecordien en in senn positiv da quella 22avla Fiasta cantunala da cant. *intervista: Giusep G. Decurtins*